

❖ CANLYN Y GOLAU

'Rôl oedfa'r hwyr ym Methlehem  
A golau'r Gair yn gry',  
Mor groes oedd cael fy hunan  
Yn ddall ym mhorth y Tŷ:  
Ond yna, wele gyngor  
I beidio edrych lawr,  
Ond canolbwyntio golwg  
Ar olau – i'r Ffordd Fawr.

A hyn heb oedi wneuthum  
Yn ostyngedig-hy,  
A chael fod golau Bethlem  
Yn treiddio'r gaeaf du:  
A dyna'n anad undim  
'Roes im Nadolig gwyn,  
Cael haul y Dydd yn esgyn  
A'r Seren Fore 'nghyn.

**D. Gerald Jones**